



Broj: UP1:01-50-2-952-2/23
Sarajevo, 24.03.2023. godine

Na osnovu člana 14. stav (2), a u vezi sa članom 11. stav (3) i članom 12. stav (2) tačka b) Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13) i člana 210. Zakona o upravnom postupku („Službeni glasnik BiH“, br. 29/02, 12/04, 88/07, 93/07 i 41/13), rješavajući po zahtjevu pravnog lica Autoprevoz bus d. o. o. Mostar za slobodu pristupa informacijama od 23. 2. 2023. godine, šefica Kabineta - savjetnica ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

ZAKLJUČAK o nemogućnosti postupanja po zahtjevu

Zahtjevu pravnog lica Autoprevoz bus d. o. o. Mostar od 23. 2. 2023. godine se ne može udovoljiti zbog nedostatka formalnih uvjeta.

O b r a z l o ž e n j e

Dana 23. 2. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama, u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon), obratilo se pravno lice Autoprevoz bus d. o. o. Mostar.

U zahtjevu je traženo da se omogući pristup informacijama, odnosno *dostava sljedećih informacija*: 1. *Važeće dozvole i redovi vožnje za međunarodni i međuentitetski prevoz prevoznika Globtour d. o. o. Međugorje koji u svom redu vožnje imaju upisanu „AS“ Mostar za period od 2019. godine pa do 2023. godine na međunarodnim i međuentitetskim redovima vožnje.* 2. *Koje redove vožnje prevoznik Globtour d. o. o. Međugorje ima u stanju mirovanja za period od 2020. godine pa do 2023. godine na međunarodnim i međuentitetskim redovima vožnje, a koji u svom redu vožnje imaju upisanu „AS“ Mostar.*

Uvidom u predmetni zahtjev, Ministarstvo je utvrdilo da je zahtjev podnesen u skladu sa stavom (1) člana 11. Zakona, no iz njega je vidljivo da ne sadrži dovoljno podataka o sadržaju informacija kako bi ovaj organ proveo redovne aktivnosti u cilju pronalaženja traženih

informacija. Stoga je zatraženo da podnositelj zahtjeva konkretno navede akt ili akte koji će pružiti dovoljno podataka o prirodi i/ili sadržaju informacija traženih vašim zahtjevom, odnosno konstatirano da podnositelj zahtjeva ne ispunjava uvjete iz stava (2) tačke b) člana 11. Zakona.

Na osnovu navedenog, Ministarstvo je aktom broj UP1:01-50-2-952-1/23 od 7. 3. 2023. godine od podnositelja zahtjeva zatražilo dopunu zahtjeva za slobodu pristupa informacijama, i to na način da konkretno navede akt ili akte koji će pružiti dovoljno podataka o prirodi i/ili sadržaju traženih informacija i sve u roku tri dana od prijema dopisa kako bi moglo postupiti u skladu sa odredbama navedenih zakona. Uzimajući u obzir da dopuna zahtjeva nije zaprimljena u Ministarstvu u traženom roku, predmet je riješen prema stanju u spisu.

Imajući u vidu činjenicu da podnositelj zahtjeva nije ispunio formalne uvjete iz člana 11. stav (2) tačka b) Zakona, odnosno da nije dopunio svoj zahtjev, čime nije dokazan pravni osnov za dobijanje traženih informacija, primjenjujući član 12. stav (1), odlučeno je kao u dispozitivu ovoga zaključka.

Uputstvo o pravnom lijeku: Protiv ovog zaključka dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Instituciji ombudsmena za ljudska prava Bosne i Hercegovine, Akademika Jovana Surutke br. 13, 78000 Banja Luka.



PO OVLAŠTENJU MINISTRA
Sanja Skuletić-Malagić

Dostavljeno:

1. Autoprevoz bus d. o. o. Mostar, Trg Ivana Krndelja 4, 88 000 Mostar;
2. U spis predmeta;
3. a/a.